

**Odsjek za industrijsko inženjstvo i menadžment
Mašinskog fakulteta Univerziteta u Sarajevu
organizovao event za razvoj
preduzetničkih kompetencija studenata**

Odsjek za industrijsko inženjstvo i menadžment Mašinskog fakulteta Univerziteta u Sarajevu organizovao je 03.11.2021. godine prvi od planirana četiri eventa u 2021. godini za studente sa ciljem razvoja preduzetničkih kompetencija kod studenata na praktičnim primjerima iz stvarnog života. Na svakom od četiri skupa studentima će se obratiti uspješni preduzetnici koji će studentima ispričati svoju preduzetničku priču.



Predavač na prvom eventu je bila g. Maša Čampara osnivačica i direktorica eMedia Patch.

U kompaniji eMedia Patch radi veći broj studenata Odsjeka za industrijsko inženjstvo i menadžment Mašinskog fakulteta Univerziteta u Sarajevu koji su se pokazali kao veoma uspješni zaposlenici, što je istakla i g. Maša Čampara tokom izlaganja svoje preduzetničke priče.

Studenti su pokazali veliki interes za ovakvim vidom prenosa iskustva i znanja u vezi sa preduzetničkim kompetencijama, te iskazali interes da na Fakultetu treba organizovati više ovakvih eventa.



Osnivačica kompanije g. Maša Čampara ima višegodišnje iskustvo u online medijima radeći sa najvećim izdavačima i agencijama, a svoje prve poslovne korake napravila u New Yorku i to u kompanijama iVillage, NBC, MediaCom i Optimedia radeći za poznate svjetske brendove poput Staples, Lancome, Cartier i Sanofi.

Nakon svog povratka iz SAD-a 2009. godine i jaku vjeru da ljudi iz Bosne i Hercegovine mogu svojim znanjem biti konkurenti na svjetskom tržištu, bh. preduzetnica Maša Čampara osnovala je kompaniju eMedia Patch. Maša je prvobitno iz Sarajeva samostalno pružala usluge online medijskog planiranja, a od 2012. godine počinje bajka eMedia Patch-a, prvi veliki klijent i razvoj koji nije prestao do današnjeg dana.

Kompanija eMedia Patch saraduje sa najpoznatijim internacionalnim klijentima. eMedia Patch je digitalna agencija koje djeluje iz BiH, a pruža sveobuhvatne usluge medijskog planiranja, upravljanja kampanjama i najaktuelnija konsultantska rješenja za Online Publishere u Americi. eMedia Patch nudi širok dijapazon konsultantskih usluga za online publishere. Najveći klijenti ove agencije su: AMCTV, WETV, IFC, Sundance Channel, Wikia, Bustle, Babycenter.com, Investing Channel, Go2Mobi, BrideClick, Lisa Hoffman Beauty itd.

Pojedini dijelovi teksta o kompaniji su preuzeti sa web stranice <http://diasporainvest.ba/>